

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutai.

Aningaasaqarnermut tunngasut

Imm. 03 Balance-t

Suliassat nalinginnaasut

Imm. 04 Inuiattut ullorsiorneq 21. Juni 2020 ullaakkorsiutit/nipilersortussat

Imm. 05 Pumptrack (Cykelbane) tapiisutissanik qinnuteqaat

Imm. 06 Ukioq 2021-mut sanaartugassatut kissaatit pingasut (siunnersuutit)

Imm. 07 Tamalaat



Ataatsimiinneq aallartippoq nal. 13:00

Peqataasut:

Inuit Ataqtigiit

Johan Lange

Siumut

Johanne Olesen

Knud Olsen

Nalunaaruteqarlutik peqataanngitsut:

Nalunaaruteqaratik peqataanngitsut:



Imm. 01 Oqaluuserisassat akuersissutigineqarneri

Aalajangiineq

Akuersissutigineqarput



Imm. 02 Siulittaasup nalunaarutai.

Knud Olsen, Siumut.

Siullertut eqqaavaa nunatsinni timmisartukkut angallannermi Naalakkersuisut ammaanermi COVID19-mut tunngatillugu Kangerlussuarmi sillimaniarneq naammanginagu. Paasisinnaanngilaa nunatsinni angallannikkut isaaviunerpaq atortulersorneqarsimanngimmat ulloq manna tikillugu. Kulusuk atortulernerqarsimavoq, sooq Kulusuk? Immaqa Island-imut timmisartukkut attaveqarnera pillugu?

Paasineqarpoq Aasianni aamma tunillatsittoqarsimasoq, tunillatsissimasorlu Kangerlussuaq aqqu-saarlugu Aasiannut apuussimasoq.

Johanne Olesen, Siumut:

Angalasut Kangerlussuarmut tikikkaagamik amerlasuut Pilersuisumut pisiniarlutik isaasarput, Kangerlussuami innuttaasunut toqqissisimanarani.

Amingaatigineqarpoq angalasut tikittarfimmi ersarissumik nakkugitineqarnissaat. Maleruagassanik sukanganerusunik ersarissunik peqarnissaa amingaataavoq.

Johan Lange, Inuit Ataqtigiit:

Kulusuk misissutinik pitaassasoq eqqartorneqarpoq, namminerlu isumaqataalluni Kangerlussuaq aamma peqartariaqartoq.

Aalajangiineq

Allangaqaasiornissaq isumaqatigiissutigineqarpoq Kommunal direktør Juliane Henningsen-imut ingerlatitassanik.

Imm. 03 Balance-t

J.nr.06.00.01

Maleruagassatigut tunngavissat.

Karseqarnikkut Qeqqata Kommunia.-ta maleruagassaa.

Innersuussut

Allaffeqarfiup innersuussutigaa, ilaasortanit tusaatitut tiguneqassasut.

Takussutissaqartoqanngikkaluartoq system nutaaq pissutaalluni.

Aalajangiineq

Ulloq manna tikillugu ukiumut “aningaasaatit” sumut killinnersut suli takuneqarsinnaanngillat system nutaaq atulermalli.

Imm. 04 Inuiattut ullorsioneq 21. Juni 2020 ullaarkorsiortitsinermi/aliikkusersuisussanut attartornissaannut aqutissanullu aningaasat qinnuteqaatit

J.nr.

Tunuliaqutaq:

Oqaluuserisassanngortitsisut nunaqarfimmi aqutsisut tamarmiusut, oqaluuserisassaq siulittaasumit Knud Olsen-mit oqaluuserisassatut akuersissutigineqarpoq.

Inuiattut ullorsiornissamut ullaarkorsiortitsinissamut aammalu nipilersortussat attartorneri aqutissaat ilanngutereerlugu aningaasat qinnuteqaatit.

Qinnuteqaatip annertussusia: **kr. 25.000,-**

Aningaasaqarnikkut allaffissornikkullu kingunerisinnaasai.

Aningaasaqarnikkut kingunersinnaasai: Konto: **xxxxxxxxxxx** ulloq 22.Maj 2020 ima annertutigisumik imaqarpoq. **xxxxxxxxx** kroner

Innersuussut

Allaffeqarfiup innersuussutigaa, ilaasortanit akuersissutigineqassasoq.

Aalajangiineq

Nunaqarfimmi aqutsisut tamarmiullutik aningaasat kr. 25.000,- qinnuteqaatit akuersissutingalugit. Aningaasartuutissat annertussusaata qaangilaarneqassangaluarpat aamma akueralugu.

Nipilersortussatut aaliagiunneqarsimapput Nuummeersut Tupaarnaq Mathiassen aammalu Nukappi-anguaq Vetterlain.

Kangerlussuarmi ineqarnerat Hotel Kangerlussuup taperserpaa.

Aningaasat akuersissutigineqarnikut atussapput ukununga:

Nipilersortussat angalaneranut, akissarsiaasaannut aammalu 21.juni innuttaasunut ullaarkorsiortitsinermut aningaasartuutitut.

Kangerlussuarmi Nunaqarfiup aqutsisuisa kissaatigivaat Sunngiffimmi pisortap inuiattut ullorsiornismut pilersaarutit ingerlatissagai – siornatigut suliat annertuut Nunaqarfiup aqutsisuinit ingerlanneqartarimammata.

Ukioq manna inuiattut ullorsiornissaanut tunngatillugu Bent Vetterlain, sunngiffimmi pisortaq aammalu Hotelchef Jeppe Ejvind Nielsen suleqatigissagaa.

Bent Vetterlain innersuunneqarpoq suleqatissaminik pissarsioqqullugu.

Imm. 05 Pumptrack (cykelbane) tapiissutissamik qinnuteqaat

J.nr.

Oqaluuserisassanngortitsisoq “Orpigaq” oqaluuserisassaq siulittaasumik Knud Olsen-mit akuersissutigineqarpoq.

Pilersaaruteqarpoq cykel-ertarfimmik meeqqanut inuusuttuaqqanillu atorneqarsinnaasumik pissarsinissamik aningaasanik tapiissutissanik qinnuteqarpoq. Aningaasat atugassat annertussusaat ca. 165.000,- . Pilersaarut ukunani tapiiffigineqarluni ingerlavoq: Fonden Orpiga.

Skolebestyrelsen aammalu NDO.

Aningaasat kr. 80.000,- Hudson-imit aningaasaliissutissat atornissaannut ulloq kingulleqarmat neriuutigineqarpoq piaartumik akineqarnissaq. *Pilersaarut piviusunngussappat aningaasat*

Kr. 20.000,- suli amigaatigineqarput, taakkulu Kangerlussuarmi Nunaqarfiup aqutsisuinut tapissutissatut qinnutigineqarpuq.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunersinnaasai: Konto:xxxxxxxxx ulloq 22.Maj 2020 ima annertutigisumik imaqarpoq.xxxxxxxxx kroner

Innersuussut

Allaffeqarfiup innersuussutigaa, ilaasortanit oqaluuserineqassasoq aalajangiiffigineqassasorlu.

Aalajangiineq

Kangerlussuarmi Nunaqarfiup aqutsisuisa ataatsimiikkamik aningaasat kr. 20.000,- tapiissutissatut qinnutigineqartut tamarmiullutik taperserlugu akuersissutigivaat.

Imm. 06 Ukioq 2021-mut sanaartugassatut pingasut (siunnersuutit)

J.nr.01.10.03

Tunuliaqutaq:

Kommunalbestyrelse-p piffissaliussat ilanngussat akuersissutigivai,taamaattumillu politikikkut partiit,nunaqarfinni aqutsisut pisortaaqatigiillu 2021-mut missingersuutissatut kiisalu 2021 miit 2023-imut missiliuutissatigut pingaarnersiuinissamut siunnersuutinik 1.Juni 2020 kingullertut tunniussinissaminni periarfissagissallugu.

Aalajangiineq

Ukioq 2021-mi sanaartugassatut Kangerlussuarmi uku kissaatigineqarput:

1. Pilersuisup eqqaani “piniartut” tuniniaavissaannik sanasoqarnissaa
2. Sanaluttarfiup ammaqpinneqarnissaa

Tuniniaaviup sanaartorneqarnissaa ukioq 2021-mut sanaartugassatut siullertut kissaatigineqarpoq
Aappaattut sanaluttarfiup ammaqpinneqarnissaa kissaatigineqarpoq

Kissaatigisat nassiunneqarput

Imm. 07 Tamalaat

Nunaqarfimmi aqutsisut kingullermik ataatsimiikkamik Johanne Olesen, Siumut apeqqutiginiuusaa Fire House igalaavi iluatungaalu aserorterneqarsimasut aaqqissuuneqarnianneginnersoq Apeqqutigivaa.

Knud Olsen, Siumut isumaqarpoq aaqqissuuneqassanngippat peerneqartariaqartoq. Piffissami kingulerni aserorternikup assiga face-book-ikkut saqqummiunneqaqattartartoq takuneqartarpoq. Mittarfeqarfik attavigineqassasoq siunniunneqarpoq.

“Sisorartarfimmi” illuaqqat marluk.

Sunngiffimmi pisortaq Fali Kleist attavigineqarpoq, illuaqqat marluk Nunaqarfimmi aqutsisut (pigimmatigigit) atussallugit tigusinnaagaat.

Utoqqaat pisinnaanerusut inaat:

Ukioq 2020-mut Kangerlussuarmi sanaartugassatut qiunnuteqqaat siullertut utoqqaat pisinnaanerusut inissaannik sanaartortitserusunneq.

Kommunal bestyrelse aaliagersimavoq ukioq manna inissiat marluk siullermik sananeqarlutik aallartissasut. Inissisimaffissaattut toqqagaq Nunaqarfimmi aqutsisut tamarmik isumaqatigiillutik akuersissutigivaat Kyle-p aqqaataa aammalu BUK akornani inissisimanissaa.

Aappaagumut marluk sananeqalerpata kissaatigivaat inissiat marluk imaluunniit minnerpaamik ataaseq innarluutilinnut inip iluani atortutigut atortoqarnissaa.

Ataatsimiinneq naammassivoq nal. 15:06

